



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

19 e Ptolomeus vnd Lucius märterer.

urn:nbn:de:hbz:466:1-41449

Item in Massonia des H. Märterers Mononis/der
 auß ermanung des Engels auß Schotland gen Ardena
 na zoge/ vnd daselbst lange zeit der welt gestorben/ Gott
 allein dienete. Ist aber von den Mördern durchstochen/
 vnd selig gestorben/vnnd in der Kirchen/ so er selbst ge
 bauwen/begraben worden.

Item zu Andegauis des H. Abts Herblandi.

Item zu Mecheln die Erhebung des H. Bischoffs
 vnd Märterers Rumoldi/ von welchem weiter oben am
 1. tag Hermonats.

e xiiij. Calendas Nouembris.

Der XIX. tag im Weinmonat.

Anno Dñi
 1507

Alexandria der Hauptstatt inn Egypten / ist
 heut der Geburtstag der heyligen Märterer Pro
 tomei vnd Lucij/ vnder welchen der erst vnder An
 tonino Pio lange zeit im gefengnuß gepeinigt/ endlich
 aber als er von Christi vbertrefflichkeit mit öffentlicher
 bekennnuß bezeuget/ ist er von dem Gottlosen Richter
 Verbicio enthauptet worden. Als aber der ander mit
 Namen Lucius / sich auch ein Christen öffentlich be
 kennet / hat er gleichen Sentens des Tods empfangen.
 Mit disen zweyen ist noch ein anderer / welcher sich
 auch öffentlich ein Christen bekennet / dergleichen ent
 haupt worden.

Item zu Antiochia in Syria/ der H. Märterer Be
 ronicci/ Pelagie/ vnd anderer 49.

Item zu Senonis der heyligen Märterer Potenti
 tiani/ Sauriniani/ Altini/ vnd Totaldi. Dife drey ers
 ten waren Bischoffe auß den 72. jüngern Christi erw
 wählt/

wolt/ vnnnd von dem heyligen Apostel Petro zu predigen in Franckreich gesandt. Dasselbſt Sauinianus als der Oberste Seelsorger vber das ganz Franckreich gesetzt / hat mit seinen Gefellen das Volck fleißig gelehrt/ vnnnd vil wunderzaichen darbey gethan/ ward darnach zu Senon gefangen/ vnnnd vmb Christliches Glaubens willen enthauptet. Potentianus aber/ sein Nachkommer im Bisthumb / hat vber ein kleine zeit hernach auch gelideten/welches leib den wilden Thieren fürgeworffen/dannoch vnuerletzt blib/ vnnnd ward bey Sanct Sauiniano begraben / daselbst würcket G O T T durch so grosse Wunderzaichen. Nach disen haben auch gelideten Altinus / Totaldus (oder Coaldus) vnnnd Serotinus/ seind alle bey den obgemelten begraben worden. Wie wol aber ihr Fest vor alten zeiten am letzten Tag Christmonats gehalten/ so ist es doch auff disen tag verlegt/an welchem ihre leiber erhaben/ vnd Englische Gesang darbey gehört seind worden.

Anno Dñi
847.

Item die gedächtnuß der H. marterer Januaris vnd seiner Gefellen/ von welchem am neunten tag Herbstmonats.

Item des H. bischoffs vnd beichtigers Aquilini.

Item zu Duaco die Erhebung des heyligen Bischoffs vnnnd Beichtigers Amati / welcher nach vernommen grausamen beselch des Königs Theodouici / mit trawien vnd mit leyden sein befolhens Volck der H. Dreyfaltigkeit befalhe/auch das Bisthumb verließ/sein Fleisch casteyet / vnnnd vil leydens vmb Christi willen geduldet.

Item inn Irland des hayligen Leuiten / Münchs vnd Beichtigers Echbini/ so ein Engelender/ vnnnd des hayligen

October

heyligen Samsonts Erzbischoffs zu Dolen sänger war/
vnd in ein Kloster gieng. Als aber Engeland von den
Fransösen verhergt ward/ zoge er inn Irland/ bawet
jm in einem Wald ein häußlin/ daselbst er GOTT bis an
sein end dienet. Hat in der woche nur zweymal mit was-
ser vnd brot sich erquicket. War ein gefert des H. Win-
waloci/ vonn welchem am dritten tag Merrens gemilde
ist. Empfing einmal Christum in gestalt eines Aufse-
rigen. Verschid im 83. jar seines alters. Leuchtet in sei-
nem leben vnnnd tod mit wunderzaichen/ vnder welchen
er auch ein todten erweckt hat.

Anno Dñi
590.

Item die erhebung des heyligen Bischoffs vnnnd
Beichtigers Wilibrordi.

Item in der Statt Oronium in Engeland/ der H.
Junctfrawen Fredeßwide.

f xiiij. Calend. Nouembris.

Der XX. tag im Weinmonat.

In Auienser Landschafft ist heut der Geburts-
tag des heyligen Leuten vnnnd Marteners Ma-
rimi/ welcher zur zeit des Tyrannen Decis vmb
Christi willen zuleyden begierig/ sich denen/ so ihn ver-
folgten/ öffentlich jaiget/ vnnnd nach bestendigkeit sei-
ner Antwort/ an ein Ram auffgehendet vnd gemartert/
auch mit Kolben geschlagen/ vnnnd endlich versteiniget
worden.

Anno Dñi
253.

Item inn Franckreich inn der Statt Agenno/ des
hailigen marteners Caprasii/ wellicher die wütung der
blütigen verfolgter wiche/ vnnnd sich inn ein Höhlin
verberg-

Anno Dñi
283.